

22 INDEX GEOGRAPHICUS.

Latit. Gr. Scr.	Longit. Gr. Scr.
37. 30.	70. 0.
28. 17. $\frac{1}{2}$	64. 10.
31. 19.	67. 21.
31. 17. $\frac{1}{2}$	67. 25.
31. 27. $\frac{1}{2}$	66. 45.
30. 0.	65. 30.
31. 45.	66. 45.
32. 56.	66. 45.
40. 45.	48. 5.
31. 51.	66. 25.
33. 26.	67. 37.
31. 11.	65. 16.

Beſtiled campus, pro quo legit vulgata lectio: Magnos montes Ange.
Beel-sephon locus in Ægypto Exod. 14... penes quem Israëlita Mare Rubrum divisis aquis pertransierunt. Pharaon autem Rex Ægypti, & exercitus ejus Israëlitas persequentes, aquis in se reversis operti & submersi sunt v. 28. 29.

Beneiaacan, Israëlitarum statio in deserto, inter Maseroth, & montem Gadgad, Numer. 33. v. 32.

Beer i. Puteus Numer. 21. v. 16. In eo loco apparuit Puteus (Beer Hebraice) super quo locutus est Dominus ad Moysen.

Beer Elim i. Puteus Elim Isaïæ 15. v. 8.

Beleus fluv. Vide Memnonis sepulchrum.

Benedictionis Vallis. V. Vallis Benedictionis.

Benehaacan Israëlitarum statio inter Maseroth & Gadgad.

Benjamin duodecimus & ultimus omnium filiorum Jacob, & secundus & ultimus ex Rachele uxore, in cujus partu Rachel moritur Genes. 35. v. 19. inter Tribus Juda & Ephraim Josue 18. v. 11. Hanc Tribum Lupo rapaci Jacob assimilat Genes. 49. v. 27. quod alii de Saule, alii de Paulo, alii aliter interpretantur. Amantissimam Domini ait Moyses Deuter. 33. v. 12. quod evenit in divisione Regni sub Roboam, in qua hæc sola Tribus Benjamin Tribui Judæ adhæserit. De Tribu Benjamin ex Ægypto Desertum ingressi sunt bello apti 35400. sub Abidan filio Gedeonis, Numer. 1. v. 11. Phelti filius Raphu cum aliis speculatus est Terram Promissam: quam ingressi sunt Benjamitæ 45600. Et pro Benjamitis Terræ hujus divisor fuit Elidad filius Chafelon. Ex eadem Tribu Ehud sive Aioth Judex in Israël Mardocheus, qui aliquando à Rege Assuero secundus fuit; Esther Assueri uxor, & Regina; Saül Rex; Jonathas; Paulus Apostolus.

Beleus Fluvius Joseph. 2. Bell. 9. Ab ea urbe (Ptolemaide) distans duobus stadiis labitur fluviolus, quem vocant Belem, cui prope est sepulchrum Memnonis, habens juxta se centum fere cubitorum spatium, admiratione dignum. Est enim specie vallis rotundæ vitream emittens arenam, &c. Vallis hæc Cendevia vocatur Plinio. Vide Joseph.

Beroea Macedoniae urbs, in qua Paulus Evangelium prædicavit. Act. Apost. 17. v. 10. 13.

Beromi, ex qua Azmaüeth de Beromi inter fortes Davidis, 2. Reg. 23. v. 31. Prædium videtur in villa Azmaüeth. V. Azmaüeth.

Beroth una est in deserto. Deuter. 10. v. 6. Filii Israël moverunt castra ex Beroth filiorum Jacan in Mosera, ubi Aaron mortuus & sepultus est. Locus videtur non longè à Maseroth.

Beroth alia est inter urbes, quæ cum Gabaonitis Israëlitas fefellerunt, cum iis fœdus pepigerunt, eaque inter urbes Tribus Benjamin recensetur. Josue 18. v. 25. & 2. Reg. 4. v. 2. siquidem Beroth reputata est in Benjamin; indeque Banaa & Rechab filii Remmon Berothitæ dormientem Isboseth occiderunt, & ejus caput ad Davidem attulerunt, sed eos manibus, & pedibus præcisis interfecit David. Inter fortes, qui Davidi inservierunt, est Naharai Berothites armiger Joab filii Sarüiæ.

Beroth tertia est civitas Regis Adarezer, ex qua David multum aris collegit, & detulit in Ierusalem, 2. Reg. 8. v. 8. & cum hac tertia convenire videtur Berotha, cujus Ezech. 47. v. 16. Emath Berotha, Sabarim, quæ est inter terminum Damasci & confinium Emath.

Bersabee, prima ea inter omnes septemdecim urbes Tribus Simeon. Josue 19. v. 2. qui ejus Tribus descriptionem ab Australiori parte incipit. Ber-sabee etenim finis dicitur Terræ Promissæ ad Meridiem, ut urbs Dan ad Septentrionem. Unde Iudic. 20. v. 1. Egressi sunt omnes filii Israël, & congregati quasi vir unus, de Dan usque Ber-sabee, & 3. Reg. 1.